

李文忠公全書

奏稿

卷八十一

李文忠公奏稿

卷之八十目錄

議覆稅釐併徵情形摺

光緒二十六年五月初十日

請查辦拳匪首禍王大臣摺

光緒二十六年八月二十一日

遵旨抵津接印摺

光緒二十六年閏八月初八日

天津司道局庫擄掠罄盡片

光緒二十六年閏八月初九日

酌定天津俄國租界摺

光緒二十六年二月十三日
附條款

直隸要缺變通酌補摺

光緒二十七年二月十八日

各使擬請懲處查辦官紳摺

光緒二十七年二月十八日
附清單二件

擬改總理衙門爲外務部摺

光緒二十七年二月十八日

敬陳迴鑾蹕路情形摺

光緒二十七年四月十一日

聯軍將退預籌布置摺

光緒二十七年四月十一日

刪定停試地方商允舉行會試摺

光緒二十七年四月十六日 附停試地名清單

請飭各省保護鐵路電綫摺

光緒二十七年五月十六日

商定使臣 覲見禮節摺

光緒二十七年六月十一日

禍從全案議結摺

光緒二十七年六月十一日 附清單二件又日使照會

追復張蔭桓原官摺

光緒二十七年六月二十三日 附美英照會二件

會試難在京城舉行片

光緒二十七年六月二十三日

張貼官犯罪名片

光緒二十七年六月二十三日

延祉胡景桂免議片

光緒二十七年六月二十三日

請飭張貼犯事停試

諭旨片

光緒二十七年六月二十三日

和議會同畫押摺

光緒二十七年八月初十日 附條款

酌保隨辦和議諸員片

光緒二十七年八月初十日

高驂麟原品休致摺

光緒二十七年八月二十二日

聯軍退盡擇要布置片

光緒二十七年八月二十二日

李文忠公奏稿卷八十

全集一之八十

桐城吳汝綸編錄

議覆稅釐併徵情形摺

光緒二十六年五月初十日

奏爲查議洋貨稅釐併徵情形遵

旨覆陳仰祈

聖鑒事光緒二十六年四月十九日承准軍機大臣字寄三月二

十六日奉

上諭戶部總理各國事務衙門奏遵議盛宣懷等覆陳增稅事宜各摺片所議釐稅併徵係專指洋貨而言與土貨釐金尙無關涉此事利害出入關係甚大如果確有把握則每年可增千百餘萬之進款於大局實有裨益亦不宜諉延觀望致失事機所有洋貨加稅免釐一事著南北洋大臣兩廣湖廣四川閩浙各督撫查照

原摺參以本省情形按之中外時勢如何有利而無害如何利重而害輕勿持兩端勿執成見妥爲籌定限一箇月內覆奏等因欽此遵

旨寄信前來仰見

聖主博采羣言虛衷擇善之至意臣等詳閱盛宣懷及戶部總理各國事務衙門原奏逐條利弊諸臣言之已詳其所議進口洋貨釐金歸併海關徵收統按七五之數照加一倍出口土貨半稅改由各省抽釐裁除子稅名目其立論實綜全綱足以裨餉需而維大局惟此事利害關係甚重現值修改條約之際尙有應議者四端臣請縷晰陳之查盛宣懷等清單內土貨內地釐捐一條旣曰土貨稅釐一概照舊徵收與修改稅則新章不相干涉而註語又曰現擬新章領單由內地運貨至海口仍可照常完釐但逢關納

稅遇卡抽釐誠恐洋商不允或令土貨起運第一釐局照應完半
稅銀數一起完釐給予釐局印收所過關卡驗票放行等語是洋
商運土貨名曰照常完釐實則仍照舊只完半稅也查內地釐金
就廣東總數核之係按值百抽四徵收又坐買釐金按值百抽二
徵收又臺礮經費按值百抽一五徵收併而計之約合值百抽七
五之數今洋商運土貨仍照值百抽二五半稅徵收則洋商運單
實較華商便宜百成之五必致華商紛紛冒領半稅運照而土貨
釐金日見短絀矣既擬洋貨稅釐併徵冀圖簡易則土貨運單所
繳釐金洋商亦須照釐章七五之數併於起運第一局抽收無庸
重納子口半稅若洋商執持求減無論減至若干華商當一律照
減庶可免洋商包攬完釐華商冒領稅照之弊此應議者一也又
清單內開外國煙酒器皿等物如何分別辦理一條查各國稅章

惟使館所用之物例得免稅今通融仿辦洋官無論已凡洋商應徵貨物件數無論家用船用與販運之貨均應照徵此應議者二也又近日土貨經洋商販運由此口經過洋界復赴彼口卽作洋貨完納正稅半稅一層未經議及誠如戶部所謂別滋流弊者粵東凡有外來各省土貨必由香港澳門進口皆作爲洋貨已坐此病今旣洋貨土貨截然分爲兩途關稅釐金亦顯然判爲兩事則洋商販運土貨進口自當一體徵釐其有洋商收攬土貨冒充洋貨希冀漏減釐金但使赫德嚴飭所屬稅司認真考較不難一望而知儻重議罰章立予駁退不給稅單則洋商自愛體面應不至甘受斥罰此應議者三也又估價之數高下難稽現據赫德所稱從前稅數每值百兩抽不足三兩顯與約章稅則值百抽五之文不符若使洋貨稅釐併徵加至百之十五洋商雖或允從而陽襲

增稅之名陰行減估之計則有名無實既虧

國帑轉貽笑外人此事關鍵全在總稅務司若能將每年二百二十餘兆之洋貨核實收足值百徵十五之數則部庫大有盈餘外省亦可資撥補此應議者四也至廣東本省洋貨昨據釐局摺開約銀五十餘萬兩經臣電請部署代奏但從前各廠徵釐係併土貨洋貨合爲一單核算總數飭商完釐每票一紙篇幅無多貨色百數十件本未詳載卽閒有夾呈商人原單而票根數千萬紙若欲逐一句稽窮年累月悉算難終所稱五十餘萬兩之說僅據可考之數約略言之其港澳所進土貨作洋貨甚多並不在內惟查赫德冊報光緒二十三年廣東洋貨進口估價數目係三千三百一十七萬七千餘兩若以行釐值百抽四計之應銀一百三十二萬七千餘兩二十四年估價係三千六百一十五萬六千兩應抽

行釐銀一百四十四萬六千餘兩若合坐賈半釐臺礮經費併計
在內粵東一省當不下二百萬兩蓋粵省通商年久民間服物器
用皆趨洋貨之精巧適用而銷路獨宏又廣西雲貴江西湖南沿
邊郡縣皆由廣東轉販故洋貨之行銷倍增土貨實非他省所徵
土七洋三可以概論也今若洋貨稅釐併徵則此後京協各餉自
應劃出此數或由戶部逕提抵充廣東解款或按月由稅關就近
解交藩庫收支如有餘盈仍歸部撥則辦理毫無窒礙疆臣計吏
無不樂從至協辦大學士剛毅原議商人包繳釐金每年四百萬
兩今雖預押餉之一百萬兩遲延三月勉強措交然疊催開辦尙
未定期察其情形蓋亦履而知艱遠巡觀望則商加之一百萬兩
與前督臣譚鍾麟加增釐局比較之二十二萬兩猶是空言恐難
責實似不如稅釐並徵之就貨徵銀較有把握也將來如果洋貨

並徵定議商人包釐開辦有期自應照數劃減以免藉口所有臣等遵

旨查議洋貨稅釐併徵緣由理合專摺

奏陳伏乞

皇太后

皇上聖鑒訓示謹

奏

皇土聖德不貳
本氣
公和為志
言白結并
淨觀
並論武精而人
言自想列進
開知以多

請查辦拳匪首禍王大臣摺

光緒二十六年八月二十一日

全權大臣大學士臣李鴻章南洋大臣兩江總督臣劉坤一湖廣

總督臣張之洞山東巡撫臣袁世凱跪

奏爲事機萬緊恭摺密奏仰祈

聖鑒事竊俄允商各國撤兵而必欲

兩宮回鑾德新使致臣之洞電必欲先辦主持拳黨之人而後開

議臣鴻章在滬晤德使荷蘭使及副總稅務司裴式楷各國總領

事等所言皆同是知各國公憤所在斷難偏護若遷延不辦恐各

國變其宗旨愈久愈不可收拾臣鴻章本日已將登舟北上適接

臣坤一等電均稱伏讀八月十五日電

旨罪在朕躬悔何可及不禁感愧涕零實則罪在臣下中外皆知

無可掩飾欲求救急了事之法惟有仰懇

聖明立斷先將統率拳匪之莊親王載勳協辦大學士剛毅右翼總兵載瀾左翼總兵英年及庇縱拳匪之端郡王載漪查辦不實之刑部尙書趙舒翹等先行分別革職撤差聽候查辦明降諭旨歸罪於該王大臣等以謝天下以昭

聖德臣鴻章卽可密告各國與之剋期開議是否有當伏乞

皇太后

皇上宸斷施行事關宗社存亡不敢稍避嫌怨謹合詞電由護理陝西撫臣端方繕摺馳奏冒死瀝陳不勝迫切待命之至謹奏

遵 旨抵津接印摺

光緒二十六年閏八月初八日

奏爲遵

旨 在津接印恭摺叩謝

天恩仰祈

聖鑒事竊

臣前准軍機大臣字寄光緒二十六年六月十六日奉

上諭李鴻章前已降旨調補直隸總督著無分水陸兼程來京等

因欽此又於八月十八日准署陝西撫臣端方轉准

行在軍機處

寄諭該大學士應卽駛赴天津先行接印各等因欽此臣正在滬

布置起程惟天津進口須有各國保護接待乃可暢行無阻借乘

俄艦易啟猜嫌俄國既有保護之言是以徑坐招商局輪船於八

月二十五日抵津維時道路梗阻齎印艱虞與護督臣廷雍往返

函商始於閏八月初八日准該護督飭委開州協副將鄭國俊等將

欽差大臣暨直隸總督關防鹽政印信一併齎送前來臣卽於行次恭設香案望

闕叩頭祇領任事伏念臣以衰年膺茲艱鉅當

國步艱難之會正臣下效命之時現雖敵騎縱橫未允停戰眾情叵測未易撤兵臣惟有矢以忠誠布昭信義因勢利導委曲調停仍督飭文武勦除內匪撫輯殘黎庶期

畿甸肅清苞桑永固以冀仰答

高厚鴻慈於萬一除俟料理略有端倪卽日入都會商慶親王與各國使臣開議另再陳奏外所有微臣抵津接篆日期理合繕摺

由驛具奏恭謝

天恩伏乞

皇太后

皇上聖鑒謹

奏